

ქ. თბილისი

„ 25 “ აპრილი 2017 წელი

ერთის მხრივ, საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში „შემსყიდველი“) წარმოდგენილი მისი უფროსის პაატა ბატიაშვილის სახით და მეორეს მხრივ შპს „კამარა სისტემს“ (შემდგომში „მიმწოდებელი“) წარმოდგენილი მისი დირექტორის ზექა ჭოლაძის სახით, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე (SPA170005562) გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ SPA170005562 გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც არის ხელშეკრულების, განუყოფელი ნაწილი.

2. ხელშეკრულების საგანი

2.1 ხელშეკრულების საგანს წარმოადგენს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის საჭიროებისთვის 2017 წლის სახელმწიფო ბიუჯეტის დაფინანსების ფარგლებში კომპიუტერული მოწყობილობები და აქსესუარების (CPV–30200000:) შესყიდვა (შემდგომში „საქონელი“) წინამდებარე ხელშეკრულების პირობებისა, დანართი №1-ის შესაბამისად.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 13273,00 (ცამეტი ათას ორასსამოცდაცამეტი) ლარს დღგ-ს ჩათვლით;
- 3.2 ერთეულის ღირებულება მოცემულია წინამდებარე ხელშეკრულების დანართი №1-ში.
- 3.3 ხელშეკრულების ჯამური ღირებულება და ერთეულის ფასი მოიცავს საქონლის მიწოდებასთან დაკავშირებულ ყველა ხარჯს, მათ შორის ტრანსპორტირების ხარჯებს და კანონმდებლობით გათვალისწინებულ ყველა სახის გადასახადს და მოსაკრებელს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 ფაქტობრივად მიწოდებული საქონლის ღირებულების ანაზღაურება განხორციელდება ხელმოწერილი მიღება-ჩაბარების აქტისა და შესაბამისი ფინანსური დოკუმენტაციის მიმწოდებლის მიერ წარდგენიდან 10 (ათი) კალენდარული დღის განმავლობაში.
- 4.3 მიღება-ჩაბარების აქტში ნაჩვენები უნდა იყოს ფაქტობრივად მიწოდებული საქონლის ღირებულება და რაოდენობა.

5. მიღება-ჩაბარების წესი

- 5.1. საქონელია ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2 მიღება-ჩაბარების აქტის გაფორმების საფუძველს წარმოადგენს წინამდებარე ხელშეკრულების მე-8 მუხლით განსაზღვრული ინსპექტირების ჯგუფის დასკვნა.
- 5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ადმინისტრაციის სამსახურის მატერიალური ტექნიკური უზრუნველყოფის განყოფილების მთავარი სპეციალისტი ვლადიმერ შარაშიძე.

6. საქონლის მიწოდების ვადები, ადგილი და გარანტია

- 6.1. საქონლის მიწოდება განხორციელდება საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ადმინისტრაციულ შენობაში, მისამართზე: ქ. თბილისი, გულუას ქ №6, მე-6 სართული;
- 6.2. საქონლის მიწოდება უნდა განხორციელდეს ხელშეკრულების გაფორმებიდან 20 კალენდარული დღის განმავლობაში.
- 6.3 საქონლის საგარანტიო პირობები მოცემულია ხელშეკრულების ტექნიკური დავალება დანართი №2-ის სახით.

7. მხარეთა უფლება-მოვალეობები

7.1. შემსყიდველის უფლებამოსილება:

- ა) საქონლის მიწოდების დროს განახორციელოს ხარისხისა და სხვა პირობების სატენდერო დოკუმენტაციასთან და წინამდებარე ხელშეკრულების პირობებთან შესაბამისობის ინსპექტირება;
- ბ) მიმწოდებლის ქმედებით ამ ხელშეკრულების მე-9 მუხლის შედეგების დადგომისას მიწოდებული მომსახურების ღირებულება გადაიხადოს მიმწოდებლის მიერ პირგასამტეხლოსა და ჯარიმის გადახდის დამადასტურებელი დოკუმენტებისა და მე-4 მუხლით გათვალისწინებული დოკუმენტაციის წარდგენიდან 10 (ათი) კალენდარული დღის განმავლობაში.

7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

- ა) უზრუნველყოს მაღალი ხარისხის საქონლის მიწოდება.
- ბ) საქონლის მიწოდებასთან ერთად მიაწოდოს შემსყიდველს რომელიც საჭიროა მის შესაერთებლად/დასაკავშირებლად და ექსპლუატაციაში შესასვლელად.
- გ) დაიცვას წინამდებარე ხელშეკრულების პირობები.
- დ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

8. ხელშეკრულების შესრულების ინსპექტირება

8.1 შემსყიდველს უფლება აქვს მიმწოდებლის მიერ საქონლის მიწოდების ნებისმიერ ეტაპზე განახორციელოს ინსპექტირება, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 ხელშეკრულების 8.1 პუნქტით გათვალისწინებულ ინსპექტირებას ახორციელებს შემსყიდველის უფლებამოსილი წარმომადგენლები: გარემოსდაცვითი ზედამხედველობის დეპარტამენტის ადმინისტრაციის მატერიალურ ტექნიკური უზრუნველყოფის განყოფილების უფროსი და დეპარტამენტის ადმინისტრაციის შესყიდვების განყოფილების მთავარი სპეციალისტი (შემდგომში „ინსპექტირების ჯგუფი“).

8.3 ინსპექტირების ჯგუფის ფუნქციებია:

- 8.3.1 გაუწიოს ინსპექტირება საქონლის მიწოდების ვადების ხელშეკრულების მოთხოვნებთან შესაბამისობის დადგენას.
- 8.3.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.
- 8.4 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 8.5 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 30 (ოცდაათი) პროცენტს, შემსყიდველი უფლებამოსილია ვადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და გაწყვიტოს ხელშეკრულება, უარი თქვას საქონლის მიღებაზე და ანაზღაურებაზე

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5. ხელშეკრულება ასევე შეიძლება შეწყდეს შემსყიდველის ინიციატივით.

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ.

13. ხელშეკრულების პირობების და ღირებულების გადასინჯვა

13.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

14. ხელშეკრულების ენა

14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. სხვა პირობები

15.1. ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

15.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი - „შემსყიდველთან“

16. შესყიდვის ობიექტის სტანდარტები

16.1 ხელშეკრულების ფარგლებში მიწოდებული საქონელი უნდა იყოს და აკმაყოფილებდეს სატენდერო დოკუმენტაციით განსაზღვრულ მოთხოვნებს.

17. ხელშეკრულების მოქმედების ვადა

17.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის „31“ „იანვრის“ ჩათვლით.

18. მხარეთა რეკვიზიტები

შემსყიდველი:

საქართველოს გარემოსა და ბუნებრივი რესურსების
დაცვის სამინისტროს სახელმწიფო საქვეუწყებო
დაწესებულება გარემოსდაცვითი ზედამხედველობის
დეპარტამენტი

მის: ქ. თბილისი, გ. გულუას ქ. №6

საიდენტიფიკაციო კოდი: 206351758.

ტელ: 595000444

საბანკო რეკვიზიტები: ცენტრალური ხაზინა,

სახაზინო კოდი 3802

მიმწოდებელი:

შპს „კამარა სისტემს“

მის: ქ. თბილისი, კეკელიძის ქ №15;

საიდენტიფიკაციო კოდი: 404868808;

ტელ : 995 32 222 20 90;

ელ-ფოსტა: camara@camara.ge

საბანკო რეკვიზიტები: სს „პროკრედიტ ბანკი“

ბანკის კოდი: MIBGGE22

ა/ა GE87PC0483600100001436

პაატა ბატიაშვილი

დეპარტამენტის უფროსი

ბექა ჭოლაძე

დირექტორი

ფასების ცხრილი

№	საქონლის დასახელება	ტექნიკური	მარკა/ მოდელი	მწარმოებელი	რ-ზა	ზომის ერთეული	ერთეულის ფასი	საერთო ფასი
1	ოპერატიული მეხსიერება	მოცულობა: 4GB DDR3; სიხშირე: 1600MHz (PC3-12800) SODIMM; გარანტია 1 წელი	EBJ40UG 8EFU0	ELPIDA (ჩინეთი)	2	ცალი	68.00	136.00
2	გარე ვინჩესტერი	მოცულობა: 1TB; ინტერფეისი: 2.5"; მიერთების ტიპი: USB 3.0; ფერი: შავი; გარანტია 1 წელი	Data GO 1000GB	GOODRAM (პოლონეთი)	2	ცალი	167.00	334.00
3	მეხსიერების ბარათი 64GB	microCARD ბარათი + SD ადაპტერი; ტევადობა: 64GB; ინტერფეისი: SDHC / SDXC UHS-1; სისწრაფის კლასი: 10; წაკითხვის სიჩქარე: 80mb/s; ჩაწერის სიჩქარე: 60mb/s; გარანტია 1 წელი	SDSQUN C-064G	SANDISK (ჩინეთი)	100	ცალი	67.00	6700.00
4	მეხსიერების ბარათი SD 16GB	SD ბარათი; ტევადობა: 16GB; ინტერფეისი: SDHC UHS-1; UHS-ის სისწრაფის კლასი: 3 (U3); სისწრაფის კლასი: 10; წაკითხვის სიჩქარე: 90mb/s; გარანტია 1 წელი	EXCERI A N302	TOSHIBA (ჩინეთი)	117	ცალი	24.00	2808.00
5	დისკი DVD	ტიპი: DVD-R; მოცულობა: 4.7gb; ჩაწერის სიჩქარე: 16x; შეფუთვის ტიპი: 50 ცალიანი კონტეინერი;	DVD-R 4.7Gb P	PRINCO (ტაივანი)	50	შეკვრა	18.00	900.00
6	დისკი CD	ტიპი: CD-R; მოცულობა: 700mb; ჩაწერის სიჩქარე: 1-52x; შეფუთვის ტიპი: 50 ცალიანი კონტეინერი;	Mr207	MediaRange (ჩინეთი)	30	შეკვრა	16.00	480.00
7	მაუსი	მიერთების ინტერფეისი: USB; დილაკების რაოდენობა: 6; დამატებითი დილაკებით „ფანჯრების“ შეცვლის შესაძლებლობა: კი; ოპტიკური რეზოლუციის რეგულირება: 600dpi-დან 1600 dpi-ის ჩათვლით; მაუსის სიგრძე: 11.5 სმ; ფერი: შავი. გარანტია 1 წელი	N-708X	A4Tech (ჩინეთი)	30	ცალი	18.00	540.00
8	კლავიატურა	მიერთების ინტერფეისი: USB; ძირითადი დილაკების რაოდენობა: 104; მულტიმედიური დილაკების რაოდენობა: 13; კორპუსის ტიპი: თხელი (Ultra Slim); კლავიშების ენა: რუსულ-ინგლისური; სიმაღლის რეგულირების შესაძლებლობა: კი; ფერი: შავი; გარანტია 1 წელი	KL-40	A4Tech (ჩინეთი)	25	ცალი	27.00	675.00
9	ფლეშ მეხსიერება	მოცულობა: 16GB; კორპუსის მასალა: მეტალი; მიერთების ტიპი: USB; 3.0; წაკითხვის სიჩქარე: 60MB/sec; ჩაწერის სიჩქარე: 20MB/sec; სიგრძე: 218მმ; გარანტია 1 წელი	UPO3	GOODRAM (პოლონეთი)	50	ცალი	14.00	700.00
სულ ჯამი:								13273.00

საქონლის მიწოდების ვადა და ადგილი: ხელშეკრულების გაფორმებიდან 20(ოცი) კალენდარული დღის განმავლობაში. მისამართზე: ქ. თბილისი, გულუას ქ №6, მე-6 სართული

აუცილებელი პირობა:

- საგარანტიო პერიოდში მიმწოდებელმა საკუთარი ხარჯებით უნდა უზრუნველყოს საქონელზე გამოვლენილი ნაკლის აღმოფხვრა (ტრანსპორტირება, შეკეთება ან ახლით შეცვლა),
- წუნის აღმოჩენის შემთხვევაში მიმწოდებელი ვალდებულია 5 (ხუთი) სამუშაო დღის ვადაში საკუთარი ხარჯებით შეცვალოს წუნდებული საქონელი ახლით ან უზრუნველყოს წუნის აღმოფხვრა,

შემსყიდველი:

საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი
მის: ქ. თბილისი, გ. გულუას ქ. №6
საიდენტიფიკაციო კოდი: 206351758.
ტელ: 595000444
საბანკო რეკვიზიტები: ცენტრალური ხაზინა, სახაზინო კოდი 3802

პაატა ბატიაშვილი
თიპარამინტის უფროსი

მიმწოდებელი:

შპს „კამარა სისტემს“
მის: ქ. თბილისი, კეკელიძის ქ №15;
საიდენტიფიკაციო კოდი: 404868808;
ტელ : 995 32 222 20 90;
ელ-ფოსტა: camara@camara.ge
საბანკო რეკვიზიტები: სს „პროკრედიტ ბანკი“
ბანკის კოდი: MIBGGE22
ა/ა GE87PC0483600100001436

ბექა ჟოლაძე
დირექტორი